

Nr 1380

Staatâräädi asáttás

Meccihaldáttásast

Adelum Helsigist 30 juovlámáánu 2004

Staatâräädi miárádás miáldásávt, mii lii toohum eennâm- já meccituáluministeriö oovdânpyehtimist, asáttuvvoo Meccihaldáttásast 30 peeivi juovlámáánu 2004 adelum laavâ (1378/2004) vuáduld:

1 §

Stivrâ

Meccihaldáttás stiivrâst láá ucemustáá vitta jeessân já enámustáá čiččâm jesânid. Staatâräädi noomât stiivrâ jesâniid já meerrid jese-nijn oovtâ saavâjoetteijen já oovtâ vârisaa-vâjoetteijen.

Stiivrâ jesânist kalga lede Meccihaldáttás pargosyergi, finnodâhtuálu tâi kuávlulij koččâmušâi äššitubdâm. Jeessân kalga lede kišttilálâšvuodâ vaattâm vuovviijn jiešrádálâš.

Stiivrâ jesâniijn ohtâ meriduvvoo Meccihaldáttás pargojuávhu kooskâst, mon pargojuávkku iävtut, ohtâ eennâm- já meccituáluministeriöst, ohtâ pirâsministeriöst já ohtâ Laapi läänist.

2 §

Stiivrâ pargoh

Meccihaldáttásast adelum laavâ (1378/2004) 16 § 3 momentist asáttum lasseen já 10 § 2 momentist asáttum spiekâstâšigijn stiivrâ hoittáá pargoid, moin asáttuvvoo staatâ finnodâhlájádâsâin adelum

laavâ (1185/2002), maŋeláá *finnodâhlájádâs-laahâ*, 10 § 1 já 2 momentist. Lasseen stiivrâ

1) meerrid finnodâhtooimâ hadastállâm prinsii-pâin já hadastállâm kyeskee meridem-vääldi kevttimist;

2) meerrid finnodâhtooimâ aalgâtmist já loopâtmist;

3) meerrid Meccihaldáttás almos haldáttâhpargoi já toi ruttâdem kyeskee sopâmušâi prinsii-pâin almos haldáttâhpargoi ohtâduv ciäلكkâmuš finnim maŋa;

4) meerrid finnodâhlájádâslaavâ 3 § 2 momentist uáivildum uásusij, uásuslâšvuodâi tâi jeessânvuodâi haahâm já luovâtem kyeskee oovdânpyehtim ráhtimist;

5) meerrid Meccihaldáttásast adelum laavâ 17 §:st uáivildum táhádâs addeelmist;

6) meerrid 7 §:st uáivildum Meccihaldáttás ciäلكkâmušâin;

7) meerrid Meccihaldáttás tooimâ siskásâs kocemist já riiskâi haaldâšmist;

8) meerrid toimáttâshoovdâ pargo kyeskee sopâmuš iävtuin;

9) meerrid toimáttâshoovdâ sajasâžâin;

10) meerrid alguu tohâmist eennâm- já meccituáluministeriön toimáttâshoovdâ luovâscelkkimist; sehe

11) kiedâvuš já meerrid eres Meccihaldáttás tááhust vijdáht vaikutteijee tâi prinsii-pálávt tergâdiid aášijd.

3 §

Miäradâstoohâm stiivrâst

Stivrâ čokkân saavâjodetteijee, tâi jis sun lii estâšum, värisaavâjodetteijee povdiimist.

Stivrâ lii meridemvâldâlâš, ko saavâjodetteijee tâi värisaavâjodetteijee já ucemustâa peeli eres jesâniijn lii čuákist.

Stiivâ miäradâsah tahhojeh oovtkiärdânis jienâi eenâblovvoin. Jis jienah maneh táásá, miäradâssân puátá tot juurdâ, mon čuákkim saavâjodetteijee lii kyedittâm.

Stiivrâ jesânist lii vuoigâdvuotâ finnid spiekâsteijee jurdus merkkejuđ pevdikiirján.

Stivrâ addeel târhibijđ miäradâsâid ääši kiedâvušmist stiivrâst.

4 §

Päälhih

Eennâm- já meccituáluministeriö meerriđ stiivrâ jesâniij já tilitärhisteiiei paalhijđ.

5 §

Toimättâshovdâ

Meccihaldättâsâst adelum laavâ 10 § 3 momentist asâttum spiekâstuvâigijn toimättâshovdâ tipšo pargoid, moin asâttuvoo finnodâhlájádâslaavâ 11 §:st.

Toimättâshoovdâst lii uáivihoovdâ árvu-nommâ.

6 §

Tohálâšvuodâvátámušah

Toimättâshoovdâst váttoo paargon hiäivulâš aaleeb ollâškovlâutkos, finnodâhtuálu já Meccihaldättâs pargosyergi tubdâm sehe jođettemhárjánem já vuávâlâšvuodâst čaittum jođettemtáidu.

Luándupalvâlemhoovdâst váttoo viirgân hiäivulâš aaleeb ollâškovlâutkos, almos haldättâhpargoi ohtádâhân kullee pargoi tubdâm, sehe jođettemhárjánem já vuávâlâšvuodâst čaittum jođettemtáidu.

Pivdotuáluhoovdâst váttoo viirgân heivejeijee aaleeb ollâškovlâutkos já hárjánem pivdoaššijđ.

Meccihaldättâs virgijđ váttoo, et ääšiuámi-hâš lii tooleeb toimâstis oovdânpuáhtâm taggaar tááidu já naavcâ, mon virge pyereest miännástuvvee hoittâm váátá.

7 §

Nomâtem

Toimättâshoovdâ noomâtmist asâttuvvoo Meccihaldättâsâst adelum laavâst. Ovdil nomâtem kalga pivdeđ Meccihaldättâsâst ciälkkámuš.

Luándupalvâlemhoovdâ viirgân noomâst staatâräädi pirâsministeriö oovdânpyehtimist. Ovdil nomâtem kalga ääšist pivdeđ eennâm- já meccituáluministeriö sehe Meccihaldättâs ciälkkámuš.

Pivdotuáluhoovdâ viirgân noomâst eennâm- já meccituáluministeriö. Ovdil nomâtem kalga ääšist pivdeđ Meccihaldättâs ciälkkámuš.

8 §

Rádádállámkodeh

Eennâm- já meccituáluministeriö aasât kuulmâ ihân häävild rádádállámkuudijđ Laapi lääni já Oulu lääni sehe Tave-Kärjil eennâmkode kuávluid. Jieskoteuv rádádállámkoodân kuleh eennâm- já meccituáluministeriö meridem saavâjodetteijee, värisaavâjodetteijee sehe oovce eres jesânid, moin jieskiästuv lii värijeessân. Rádádállámkoodân kullee jesâneh kalgeh ovdâstid maangâpiälâsávt kuávlui asseid, meccituálu, áigâpuátueellim, pirâssuojâlem já aalmuglâsseervijđ. Ovdil rádádállámkuudij asâtem pivdá eennâm- já meccituáluministeriö ovdelâa mainâšum lääniij läänihaldättâsâin já ääšiuásâlijn eennâmkudij littoin ciälkkámušâid ulmuin, kiäh väljejuvvojeđ rádádállámkuddijđ.

Rádádállámkuudij pargon lii:

1) adeliđ Meccihaldättâsân ciälkkámušâid merhâšittee staatâ eennâm- já čäcikuávlui kiävtun lohtâseijee koččâmušâin;

2) toohâđ Meccihaldâttâsân alguid páihálij
ulmui sajattuv uáinun váldimân já tooimâi
oohtânheivitmân Meccihaldâttâs tooimâ
vuáváádittijn.

9 §

Ohtsâšpargojuávhuh

Meccihaldâttâs puáhtá asâttid sāmikuávlun
ohtsâšpargojuávhuđ, mos kuleh Meccihal-
dâttâs já kuávlun ulmui ovdâsteijeeh.

Helsingist 30 peeivi juovlâmáánu 2004

Eennâm- já meccituáluuminister *Juha Korkeaaja*

10 §

Vuáimánpuáttim- já sirdâšemnjuolgâdusah

Taat asâttâs puátá vuáimán 1 peeivi uddâ-
ivemáánu 2005.

Ovdil asâttâs vuáimánpuáttim asâttum
kuávluliih ráđádállâmkodeh juátkih tooimâs
toimâpaje loopân.

Maid eres saajeest asâttuvvoo Meccihaldât-
tâs luándusuojâlempargoid tipšoo ohtâduv
hoovdâ virgeest, kuáská asâttâs vuáimán-
puáttim maŋa Meccihaldâttâs almos haldât-
tâhpargoi ohtâduv hoovdâ virge.

Ovdil asâttâs vuáimánpuáttim puáhtá algât-
tid olášuttem vaattâm tooimâid.

Haldâttâsneuvos Matti Setälä